

ادبیات عمومی و تاریخی

هفته‌لق سیاسی ، ادبی ، علمی غزته‌در

جلد : ۳

سنه : ۲ ۳ جاذی‌الآخر ۱۳۳۶ جمعه‌ایرتسی ۱۶ مارت ۱۹۱۸ نومرو ۲۸ — ۵۹

تورک‌لرک منشأه وائر

تورک اقوام متقدمه و متأخره‌سی

زمان جهتیله میلاد اساس طوتیله‌رق تورک اقوامی ایکی قسمه تفریق ایده‌سیلیرز : قبل‌المیلاد تورک‌لر و یاخود تورک اقوام متقدمه‌سی ، بعد‌المیلاد تورک‌لر و یاخود تورک اقوام متأخره‌سی . تورک اقوام متقدمه‌سی حقیقده بر درجه‌یه قدر چین مورخینی بعض معلومات ویرمکده ایسه‌لرده اک زیاده معلومات ویرنلر یونانیلردر . قدیم مؤلفین یونانیه‌نک اک یکیزی اولان (سترابون) میلاددن یارم عصر اول تولد ایتیش اولدیغندن ، بو مؤلفک اثرنده ذکر اولنان اقوام ترکیه بحق متقدمیندن عد اولنه‌جفی کبی ذکر اولنمیانلر دخی متأخریندن معدود اولور . شوقدرکه بالجه‌له تورک اقوام قدیمه‌سی سترابونده مذکور اولمادیغندن ، بوکی اقوامدن ایجاب ایدنلر آریجه ذکر اولنه‌جقدیر .

یونانیلرک اسکی تورک‌لره (سکیت) نامی ویردکلرینی کوردک . دفعات ایله ایضاح ایله‌مش اولدیغمن اوزره بوتعبیرک تورکجه مقابلی (چیغاتای) و (چیغیل) در . (قیپچاق‌لر) دخی سکیتلرک برقسیمیدر . (سکیت) تعبیر قدیمی یرینه متأخرین زماننده وحتی زمانمزدده (تاتار) کلمه‌سی قوللانلقده‌در . فقط اولجه دخی اخطار ایله‌مش اولدیغمن اوزره بو (تاتار) تعبیر جدیدی ایله (تاتار) تعبیر قدیمی بیننده بویوک بر فرق واردر : قدیم تاتارلر چینک جهت شمالیه و (بایقال) یعنی (بای‌کول) ک جهت شرقیه‌سندمه بولونان تاتارستانک اهاالیسیدرکه آنلره (آق خانای) نامی دخی ویریلیر ایدی .

بالاده کوردلیکی اوزره یونانیلر (سکیت) عرقنه منسوب اولق اوزره بر طاقم اقوام و قبائل اسملری ذکر ایدرلرکه بونلرک اک مشهورلری اولق اوزره (سارماتلری) (جتلری) ، (داکلری) ، (میسینلری) و (تراکلری) ذکر ایله‌دک . وینه بالاده کورلمش اولدیغی اوزره (تراک) کلمه‌سی یونانیلرک عینیله (سکیت) کلمه‌سی کبی عرق و جنس اسمی اولق اوزره استعمال ایتیشلر و کرک طونه حوالیسینه روم ایلی‌ده ساکن اولان غرب تورکلرینی بونام ایله ازانه ایله‌مشلردر .

هفتی تری تاریخ عرب و سیاست

[۷ - ۱۳ مارت ۱۹۱۸]

رومانیا ایلہ مقدمات صلحہ عقدی - فنلاندیا صلحہ - وقایع سیاسیہ -

ارضہ رومک استردادی - ارمینی ہتھلری

صوک ہفتہ ینہ بالخاصہ وقوعات سیاسیہ جہ زندکیندر . رومانیایا ایلہ مذاکرات صلحیہ نک دوام ایتمکدہ اولدیغنی و سریع بر نتیجہ بکملہ نلدیکنی کچن اجمالزدہ سویلہ مشدک . فی الحقیقہ ۵ مارتدہ اتفاق مربع و رومانیایا مرخصلری آراسندہ بکشرش جوارندہ (ہفتہ آ) دہ مقدمات صلحیہ امضالانمشدرکہ شرائطی بروجہ زبرد :

۱ : رومانیایا حکومتی دوبریجہ نی طونہ یہ قدر حکومت متفقہ یہ ترک ایدر . ۲ : اتفاق مربع حکومتلری رومانیایا ایچون کوستنجہ اوزرندن قرہ دکرہ بر طریق تجاری بر اقلیمسنی نظردقتہ آلہ جکلردر ، ۳ : آوستریا - مجارستان و رومانیایا آرسندہ کی حدود حقندہ آوستریا - مجارستان حکومتی طرفندن طلب اولنان تصحیحات رومانیایا طرفندن اساس اعتباریلہ قبول ایدیلہ جکدر . ۴ : کذلک اقتصادیاتہ متعلق صلاحیت حاضرہ یہ موافق تدایبردخی اساس اعتباریلہ قبول ایدیلہ جکدر . ۵ : رومانیایا حکومتی رومانیایا اردوسندن لااقل سکر فرقیہی درحال ترخیص ایتمکی تعہد ایدر . امر ترخیصک اداره سی مارشال ما کترہن ایلہ مشترکاً رومانیایا باش قوماندانلغہ عائددر . روسیہ ایلہ رومانیایا آرسندہ صلحک تکرار تأسیسنی متعاقب رومانیایا اردوسنک دیگر متباقی اقسامی دخی روس - رومانیایا حدودی اوزرینہ امنیت خدماتی ایچون ترکنہ لزوم کوریلنلر مستثنایا اولوق اوزرہ ترخیص اولنہ جکدر . ۶ : رومانیایا قطعاتی آوستریا - مجارستان حکومتی اراضیسندن اشغال ایتمکلیری یرلری تخلیہ ایدہ جکلردر . ۷ : رومانیایا حکومتی حکومت متفقہ قطعات عسکرہ سنک بغداد و بساریا طریقیلہ اودہ سایہ نقلی خصوصندہ شند و فرلریلہ وبتون اقتداریلہ معاونت ایتمکی تعہد ایدر . ۸ : رومانیایا حکومتی حکومت متفقہ اربہ ایلہ هنوز حال حربہ بولنان حکومتہ منسوب ضابطاندن رومانیایا خدمتندہ بولنانلری درحال ترخیص ایتمکی تعہد ایدر . بوضابطانک سربستجہ عزیمت اتملری حکومت متفقہ اربہ طرفندن تأمین اولنہ جکدر . ۹ : بو مقاولہ نامہ درحال مرعی اولوب تصدیقاً للمال مرخصلر طرفندن امضا ایدلش و مهر لانشدر . (ہفتہ آ) دہ بش نسخہ اولہرق ۱۹۱۸ سنہ سی مارتنک بشنجی کونی تنظیم اولمشدر . »

مارتک بشندن یکر میسنہ قدر برمتارکہ مدتی جاری اولاجتی و بوائنادہ صلح عطی بالادہ کی اساسلر دائرہ سندہ عقد ایدیلہ جکدر . بالادہ کی شرطلردن ممنون اولمغہ حقمن وارددر . اوچنجی صلح معاہدہ سی دہ اتفاق مربع ایچون غالبانہ بر معاہدہ اولمشدر .

❧ رومانی صلحندن سوکره آلمانیا ایله فینلانڈیا آراسندهده عقد مصالحه اولمشدر . روسیه بی بالطق دکنندن طرد ایدر ماهیتده بولنان بومعاهده بی ده بروجه زیر اقتباس ایدیورز :

« معاهده صلحیه نك برنجی ماده سنده دینیلورکه : آلمانیا ایله فینلانڈیا آرسنده آرتق حال حرب بولمیب طرفین عاقیدن فیما بعد یکدیگری ایله مسالت و مخادنده یشامغه قرار ویرمشدر .

آلمانیا استقلالنك بالجه دولتر طرفندن تصدیق ایدلمی ایچون صرف غیرت ایدم جکدر . بوکا مقابل فینلانڈیا حکومتی حقوق حکمرانیسی آلتنده کی اراضینك هیچ بر پارچه سی اولجه آلمانیا نك موافقتنی استحصال ایتکسزین ... (تلفرافنده برکله اکسیکدر) دواته ترك ایتیه جکدر . دیگر مادهلر معاهده صلحیه نك تصدیق ایدلمی متعاقب دیپلوماسی و قونسولوس مناسباتنه کیریشلمسغه ، مصارف حربیه ایله حربك باعث اولدینی ضرر و زیانلرک تضمینندن صرف نظر اولمسغه ، حقوق خصوصیه نك اعاده سنه ، حرب و سیویل اسرآنك مبادله سنه ، آلمانیا ایله روسیه آرسنده اولجه موجود اولوب حکمی ساقط قالان مقاولات و عهدو ك یرینه فینلانڈیا ایله آلمانیا آرسنده احوال و ایجابات حاضریه موافق عهد و مقاولات جدیده عقد ایدلمسغه دائردر . بالخاصه یقین زمانده تجارت و سیر سفائن معاهده نامه سی عقد ایدلمی ایچون مذاکراته کیریشیه جکدر . حقوق خصوصیه عائد بالجه قوانین و نظامات حربیه معاهده صلحیه نك تصدیق متعاقب فسخ و الفا ایدیه جکدر . هر درلو دیون و تعهداتك وبالخاصه دیون عمومیه نك تأدیاته دوام ایدیه جکدر . »

(آلاند) جزائرینه عائد اولان ماده یه جزائر مذکورده استحکاماتك برآن اول هدم و قلع ایدیه جکی قید ایدلمش و بواسطه لرك دائمی صورتده غیر مستحکم بولومسی حقنده بر مقاوله مخصوصه عقد ایدیه جکی بیان اولومشدر . »

❧ سوک هفته ده مسائل سیاسییه ده پك زیاده شایان نظر جریانلر کورولدی . روسیه نك عقد صلح ایله مه سندن دولایی ژاپونیا نك اقصای شرقدن مداخله یه قیام ایدم جکی وحی شرقی سیبیریایه قدر ایلریله دیکی روایت ایدلدی ایسه ده ، هنوز اورتاده بین الملوتلفین مذاکراتدن باشقه برشی بولونمادیغی آکلاشیلور . برده آمریقا نك ، ژاپونیا نك بوتون شرقی سیبیریایه وضع یه ایتمه سنه قارشى پك احتیاطکارانه حرکت ایلهدیکی مستبان اولیور . اگر ژاپونیا نك مداخله عسکریه سی تحقیق ایدرسه بوتقدیرجه اقصای شرقده آمریقا ژاپونیا حرب قریبنك تخمیری فیلزلیمک باشلادیغنی آکلارز .

❧ بر قاج آی مقدم صلحچورانه بر مکتوب نشرایتدیره ن لوره (لانسدوون) بودفمه بر مکتوب ده نشرایتدیرمشدر . لورد بونده : قونت هه رتلینك سوک نطق بویوک بر صلح خطومه سی اولدیغنی و بلجیقا مسئله سنك آرتق صلحه بر مانع تشکیل ایتهدیکنی ، عثمانلی ایمپراطورلخنه عائد اراضی به دایر ائتلاف دولتری آمالنك صلحه اك بویوک مانع بولندیغنی سوبله مشدر .

كذلك انكیز مالیه ناظری (بونارلوی) ده شرق سفرلینه دائر بر نطقده ازجه ده یمشدرکه :

« مصارفك تزیادینه بالخاصه عراق و فلسطین حرکاتی سیبیت ویرمشدر . حرکات عسکریه یه ، مناقلات بحریه اساسنه مستنداً بر حسن نتیجه ویرمك ممکن اولاجنندن شبهه ایدرم . حال حاضرده

کیلرله بویوک براردو نقل ایتک بزم ایچون تماماً غیرممکندر. فلسطین حرکاتنه کلنجه ، بوراده بعض موقیات احراز ایدیش اولدیغنی بیان ایده بیلیرم. بز عینی زمانده بویوک برشرق حکومتی بزم بمطالعه بیه بناء درکه بغداد تعرضنه باشلادق. هندستان احوالی بیلنردن اوکرنده که بغداد هندستاندن کلن بر اردو طرفندن ضبطی شرقده وقوع بوله بیله جک دیگر هرهاکی بر حرکتدن دها بویوک تأثیرات حصوله کتیرمشد. چناق قلعه ده دوچار اولدیغمر عدم موفقیتدن صوکره عراقی ترک ایتیش اولدیغمر تقدیرده نه وضعیتده قالیش اوله جغمری تصور ایتکه کزی سزدن رجا ایده رم . مصری تعرضله قارشى مدانه ایتک ایچون وجودی لازم کلن اردونک عراق و فلسطینده اجرای حرکت ایتکده اولان قطعاً بزم یکنوندن پک فضله اولسی ایجاب ایتدیکنی سویلرسم برسر افشا ایتیش اولام .



بزه عائد وقایعه کلنجه : فلسطین جبهه سنده بویوک محاربات جریان ایتکده در . دشمنک ، بعض موقیتلرینه رغماً ، قدس نابلس جاده سی بونجه یا بغه چالیشدیغنی یارمه حرکتی تمامیه عقیم قالمشدر. % ولایات شرقیه ده عسکریمز ماباوری ، آتنه و وینچه قصبه لرینی اشغال ایتمشدر. کذلک ارمنی چته لری طرفندن احراق ایدیلن ارضروم شهرینی دخی مذکور چته لک مقاومتی قیریلارق ضبط اولومشدر. % ارمنی چته لرینک مظالمه دائر یومی رفقاً بزم بونلری اورپرده جک تفصیلات نشر ایدیورلر. بو تفصیلاته نظراً ملعونلریوزلرجه ، بیکرجه نفری قتل ، کوبلری و انسانلری دیری دیری یا قیق ، جرح ، هتک عرض ، یاغما ، اشکنجه کی هیچ برنوع شناختدن کری دورمایورلر . ارمنیلری ، بوندن اول ، معصوم کوسترمک ایچون ائتلاف رجال و مطبوعاتی پک چوق چالشمشدر ، کندیلرنجه معتبر و معتدو ثائقه ابتناء بر طاقم کتابلر ، رساله لر ، احصائیات جدوللری نشر ایتمشلردی . عجبا عینی ارکان و جرائد بویوکون اودیارلرده ارتکاب ایدیلن فضاخ و شنایعی نصل تلقی و محاکمه ایده جکدر . اومبارک اقسام و طنده بو کون بر چوق قریه لر خراب و بیاب اولمشدر . منحوس و مشوم برباء سموم کی بوسیا چته لر ، بریره مستولی اولور اولماز یالکر انسانلرده دکل ، حتی حیوانات و نباتاتده بیه حیاتدن اثر قالمامشدر. آلمان فطوعرافیلر ، طوتیلان ضبطلر ، هله روس اردوسیله وقوعبولان مخابراتک ضبطنامه لری ، اعترافات اومنیلرک علیهنده پک اسفسل و ثائق مسئولیت تشکیل ایدر.

جناب حقه بیک حمد و ثناء ، بیک شکر و منت اولسون که اردوی هابون ، هان وظیفه سنک باشنده بوکروه لایفحونی در حال تشکیل ایتیش و اوراده کی وطنداشلمیزی برانعدام محققدن تخلصه قدر ثیاب اولمشدر . استرداد ایدیلن ولایتلر میز بوندن صکره دها بشفه درلو ودها فضله سه ومک بزم ایچون بر مجبوریات حسیه تشکیل ایدر .